



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd ordinationes episcoporum apostolica autoritate à cunctis
comprovincialibus fieri debeant. xv.

urn:nbn:de:hbz:466:1-10722

*Quod non habeantur Episcopi, quos nec clerus, nec
populus elegit, nec comprouinciales Episcopi
consecrarunt. Cap. XI.*

NVLLA ratio finit, vt inter Episcopos habeatur, qui
nec à clericis sunt electi, nec a plebibus expetiti,
nec à cōprouincialibus Episcopis cum Metropolitani iu-
dicio consecrati. Vnde cum saepe quæstio de malè acce-
pto honore nascatur, quis ambigat, nequaquam & ab istis
esse tribuendum, quod non doceatur fuisse collatū? Si qui
autem clerici ab istis pseudepiscopis in eis Ecclesijs ordi-
nati sunt, quæ ad proprios Episcopos pertinebant, & or-
dinatio eorum cum consensu & consilio præfidentium
facta est, potest rata haberi, ita vt in ipsis Ecclesijs perse-
uerent. Aliter autem vana habenda est consecratio, quia
nec loco fundata est, nec autoritate munita.

*Quod nullus ordinari Episcopus debeat, nisi ex
conuentione. Cap. XII*

NVLLVS est ordinandus Episcopus, nisi cōuocatis
clericis & parochianis, & in vnum consentiētibus.

*De illis qui accipiunt regimina Ecclesiarum, & cun-
ctos fastu superbiæ paruipendunt. Cap. XIII.*

QUIDAM assumpta Ecclesia, & rebus diuinis ele-
uantur, & cunctos fastu superbiæ paruipendunt: hi
canes magis, quàm principes nominantur.

De illis Episcopis, qui superbire incipiunt. Cap. XIII.

Humilis debet esse Episcopus. Gradū enim māsueta-
dinis accipit, non superbiæ. Paulus dicit: Decet hu-
iusmodi hominē mansuetū esse, non elatum, nec superbū.

*Quod ordinationes Episcoporum apostolica autoritate à
cunctis prouincialibus fieri debeant. Cap. XV.*

Ordinationes Episcoporum autoritate apostolica ab
omnibus qui in eadem fuerint prouincia, sunt cele-
brandæ, qui simul conuenientes, scrutinium diligenter
agant, ieiuniūque cum conuenientibus precibus cele-
brent, & manus cum sanctis Euangeliis quæ prædicaturi
sunt imponentes, dominica die hora tertia orantes, sa-

crâque vnctione exemplo prophetarum & regum, capita eorum more apostolorum & Mofi vngentes, quia omnis sanctificatio constat in spiritu sancto, cuius virtus inuisibilis, sancto est chrismate promulgata, hoc ritu solennem celebrât ordinationem. Quod si omnes simul conuenire minimè potuerint, assensum tamen suis precibus & scriptis præbeant, vt ab ipsa ordinatione animo non desint. Porrò & Hierosolymitarum primus archiepiscopus beatus Iacobus, qui iustus dicebatur, & secundum carnem domini nūcupatus est frater, à Petro, Iacobo & Ioanne apostolis est ordinatus, successoribus videlicet dantes formam eorum, vt minus quàm à tribus episcopis reliquisque omnibus assensum præbentibus nullatenus ordinetur, & cū communi voto ordinatio celebretur.

Ne laicus fiat episcopus ante xxx. annos, & ante anni conuersationem. Cap. XVI.

Ex cõcil. Arala- **E** piscopus verò vel presbyterii honorè, nullus laicus
tensi, ca. accipit. ante anni conuersationem, vel ante triginta annos

7. De laicis non temerè faciendum episcopos. Cap. XVII.

Ex cõcil. Sardicē. **O** S I V S episcopus dixit: Et hoc necessariū arbitror,
si, cap. 13. vt diligentissimè tractetis, si fortè aut diues, aut scho-
lasticus de foro, aut ex administratore Episcopus fuerit
postulatus, vt nō prius ordinetur, nisi antè & lectoris mu-
nere, & officio diaconi, aut presbyteri fuerit perfunctus:
& ita per singulos gradus si dignus fuerit, ascendat ad cul-
men episcopatus. Potest enim per has promotiones, quæ
habebunt utique prolixū tempus probari, qua fide sit, qua
modestia, qua grauitate & verecundia: & si dignus fuerit
probatus, diuino sacerdotio illustretur: quia conueniens
non est, nec ratio vel disciplina patitur, vt temerè & leui-
ter ordinetur, aut episcopus, aut presbyter, aut diaconus,
qui neophytus est maximè cū & magister gentium bea-
tus apostolus Paulus, ne hoc fieret denunciasset & prohi-
buisse videatur, sed hi quorum per longum tempus exami-
nata sit vita, & merita fuerint comprobata.

*Quod per gradus ecclesiasticos ad episcopatus de-
beat officium perueniri. Cap. XVIII.*

Ex decr. Celest. pa **O** R dinatos verò quosdā, fratres charissimi episcopos,
qui nullis ecclesiasticis, ordinibus ad tantam dignita-